

*Yiqsumul şeç'bi
2019 - kalendar*





Gorniy mahal

*Ts'əxni xivike şos xabar hivles.
G'ayeyl alyav'u vob vuc, qivkan-qivkan.
Nimee dağamdayiy çin yəqqbı, q'i't'bı
Uğoyt'al vod cançe xalq' dekkkan-dekkkan.*

*Xhoyikbişe hı'rmət haa'a ç'ovaəşis,
Bat'rayn yedarnani conı xivaəşis,
Radifika yişo eyhani aşığis,
Koksiyl yiğille telnan sazıbı vod ıkkkan.*

*Xivni yi'q'nee vod k'alxozun idaara,
Osbişis gyoyxhan vod çavrayn xhidaara,
Ek'inbı vob mıslağbişin yedaara
G'ara Navruz geta manbişe şakkan.*

*Q'iyimat deşob vuşdi xivis, mişleşbı.
Dəv'əyka vod əlhəə har cura işbı.
Fitnayka qikkeç'e ömurbı, yeşbı
Poyezd vod şos ıkkkan "material haqqas".*

*K'elipxın avxuba şaa'ab xı'yəğbı,
Ats'a vod haa'asdi gafin sayağbı.
İnyaa iş haa'as ek'ba vob cinyağbı
Abın mihmanara gyootas vob vukkan.*

*Attalni xalq'ıqa vob sa fıkır,
Ziyaratbişis co ha'a vod zikir.
Allah yik'el aqqı ts'its'a'a uts'ur.
Baxımka vod q'ı'calıka Madiyna Makkayn.*

*Aşiq' Ramazanna maq'am Kaleli
Maclisbişee xalq'ıs məşğulət heli
Har xivis sak'ı sa tərif vod qeli
Mühübbat vod zaqad haarnı xalq'ıka.*

*Ciniyni xivike şos xabar hivles.
Abıyn mihmanara gyootas vob vukkan.
Aşkar hı'ı ədat, şos xabar hivles
Gyootas vukkananbı Cineeqa vak'ne.*

Mamedov Ramazan Ismayilna dix (1927 - 1997)

Mamedov Ramazan İsmayilna dix 1927 – sen RF Dağıstan Respublikayni Rutul rayonni Kalelyni xivee yedike ıxha. 1940 – sen xivee azərbaycanni mizeyl ibtidai məktəp bıkırau. Ramazanıs k'ilyvalee xaa eyxheni ədəbiyyatni, musiqiyni məclisbişee g'ayxıyni seç'bişee ok'anas havas huvu. Mang'una dekkir yedir radifika yuşe haa'an, kalymayn ustadarniy vob. 1946 – 1956 – senbişil Mamedov Ramazanın seç'bi Rutul rayonni "G'ızıl çoban" k'azetee çap ıxha. 1960 – 1997 - senbişil Zakatala rayonee yeşemişxha.

Yizay

Үанвар / Январь

Etnay	Dalatiy	Ərba'an	Ülc. xəm	Ülc. yiğ	Siftiy	Vacar
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

*Sa ədat vod, manbı gafis sabayli
Huvaagasva sa ispişk'a abayli.
Maa sang'ulqa begyvalla vob qavayli
Gyootas vukkananbı Cineeqa vak'ne.*

*G'aaziy voriy maa'ar İbrahim dayiy.
Cagvarana muç'uriy, gadeyna sayiy.
Məhəmmədeminee canalen k'in ha'ayiy
Gyootas vukkananbı Cineeqa vak'ne.*

*Sultanaaşə Musayn k'ırı ats'ayk'van,
Davla Həciyn kalle-k'its'a g'ats'ayk'van,
Barut geta yiq'əl oğa, hets'a gon.
Gyootas vukkananbı Cineeqa vak'ne.*

*Begyva uvhu sassa divan vod ha'a,
Rasulin aq'vabı maa'ad k'ar qa'a,
Əskar Mirzayn uloppiyiy alqa'a,
Gyootas vukkananbı Cineeqa vak'ne.*

*Ramazanee xəttə iyhasın axu.
Maşşenika Şəbanır zalqa qexi.
Bəcəhət mihmanıs hı'rmətcab avxu.
Gyootas vukkananbı Cineeqa vak'ne.*



I'mren axır

*Vaxt g'abına, hini dyunyeyn deşor dehe hixele
Mebna safar givğalasse gyuarasdi hayee vor.
Hazzırxheva Azrailee hakki ı'dı'q' g'ixele
Sa'a vodun xılen-sıvan, zı əlhəəni hayee vor.*

*Şakkee vorna zı, tovbabı q'abil ixhayee, deşee
İmanıke kamraxheni gyoxhxhanasda ts'abışee
Yugvalına xıl cit'aba, gyats'ına bınahbışe
Derdbışe batmış ha'asda, zı k'eyxhasdi hayee vor.*

*Nezir xərrə peşmanra vor, uleqad deşin işıǵ
Bınahbışe ak'ana'an yığni exren yaraşuǵ
Əcalıd uçre vodun, hixhar hı'in muştulluǵ
Zı faanile həq' dyunyeeqa ilğeç'esdi hayee vor.*



Eminov Nezirməhəmməd Həciəmi'rna dix

Eminov Nezirməhəmməd Həciəmi'rna dix 1912 – sen Azərbaycan Respublikayni Zakatala rayonni Suvagılıyni xivee yedike ıxha. Yedike ıxhayng'acar bırq'ı'ra ıxha. K'ırracar yetimra: yed, dek dena axu. Emisiy Şixamir Eminovni xizanee xə r qıxha. Şixamir Eminove 1924 – sen Suvagılıyni xivee məktab aaqı. Bırq'ı'na Nezirməhəmməd məktabeeqa qark'ın, darsbışis k'ırı huvu. Poeziyeylqa ts'etta havas, qiyǵa aşq', qiyǵad vucee oyk'an (eyhi) girǵıl. Şairaaşdi maclisbışee şeç'bı qədəqqə girǵıl. Talalı aşıq' Dibirov Kamalna şigirtniy vor. Azərbaycan aşuǵaaşini gurultayna numayende ıxha. Yik'ençe Q'uran vaatsa vuxha. Mek'valee odk'unin şeç'bı mühübbatıka, satirayka baǵlıdaniy vod. Qiyǵıyn şeç'bı dinis aidda ıxha. Suvagiliy Neziree şeç'bı yiqsumniyiy azərbaycanni mizaaşil otk'un. Mana ham Azərbaycanıl, hamır Daǵıstanee doyikvana şair ıxha. 1982 – sen rəhmətiqqa ark'ın.



Üç'ubay

Fevral / Февраль

Etnay	Dalatiy	Ərba'an	Ülc. xəm	Ülc. yiğ	Siftiy	Vacar
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28			



Nüsrət İsmayılov Ədilna dix

I'smayilov Nüsrət Ədilna dix 1949-sen noyabrni 7-çil Azarbaycanni Respublikayni Zakatala rayonni Suvagilyni xivee yedike ıxha. Yı'q'nekin maktab 1966-sen Yeni Suvagilyni xivee taam hı'ı. I'smayilov Nüsrəttee 1974-sen Bakvee aali təhsil alyaat'u, matematik'ayna mə'əllim ıxha, xivee Mina Nezirovayni doylını maktabee mə'əllimna işləmişxi vorna. Mangun do "Azarbaycanın ziyalıbı" donani kitabeeqa vodun aççu. Mang'vee 2017-sen Bakvee matematik'ayn elmi-metodik kitab g'aykki. (Məktəbdə riyaziyyat: düşüncələr, nəticələr) Nüsrət mə'əllimni seç'bışil xilece mə'niybı vodunbı. Mana xalq'ni arayl k'oraba yiqsum vaats'ana, çini məttivalis fikir hoolena, folklorna, poeziyeyna ustad xhinne qvaats'a vorna. Yiqsumul qı'ğəəni kitabbışda redaktor vorna.

Gazel

*Didey, ğu givğle xabar, zı hazzirra vor ok'anas
Xileni q'alamıqa deşin g'ayda, hor ok'anas.*

*Verğena şüül üvxəs xhinee g'ooce yişdi gunays
Ghinişee hoole q'uvat, uleppişis nur, ok'anas.*

*Yı'q'əlqa ham ögiylqa ilyaaka əlhəə vob yiqeer
Hazzirra gyu'ur vorna agar qadee hir, ok'anas.*

*Hala ši k'ooçu deş vob, əlyaa vobunbı aalimar
Yişdi tarixni hək'ee manbışe geed kar ok'anas.*

*Yiqsum sa t'et'bışda t'uç, hicon dexhe mani mizeyl
Mə'niybı, mexxvabı, seç'bı, eyxhen har kar ok'anas.*

*Harung'vee əxən, ats'an uvhee, hagvee yugda eexhe
Girğıl vor zı, ghale mə'niy, xile t'amp'ır, ok'anas.*

*Yik'eedın bıkır dexhee, Nüsrət, ğunar peşman mexhe,
Hamzate, Xan-Almaze, Əhməde g'atar ok'anas.*



T'et'ebay

Mart / Mapm

Etnay	Dalatiy	Ərba'an	Ülc. xəmə	Ülc. yiğ	Siftiy	Vacar
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31



Mirzoyev Almaz Əzizna dix



Senbışin g'atar

*Yizdi senbışin g'atar,
Aleetxu-geetxu əə vod.
Yuxhxhan durnabı siyk'al,
Senbı siditk'il əə vod.*

*Arzubı g'idyadicad,
I'mırbı hakke əə vod.
Hale hiççud hidya'u,
Senbıd xalyvatta əə vod.*

*Veriğib apk'ın, qöö vob,
Senbı qalesınbınıyxan?
Yizdi yik'en arzubı,
Eyhe, bıxırxesınbınıyxan?*

Mirzoyev Almaz Əzizna dix 1939-sen dek'abrni 31-çil Azərbaycan Respublikayni Zakatala rayonni G'alalni xivee yedike ıxha. 7-sennan məktəb g'onşu Q'arq'vayni xivee tam hı'ı. Mənçile qiyğa mana qətqəs Zakatala şahareeni təsaruffat texnik'umeeqa qark'ın. Almazıqə hale məktəbe qədəqqəng'ə seç'bışılqan havas ıxhayn. Mana nyaa işləmişxher otk'unıyd yik'elixanı'ı deş. Almaz Mirzoyevın (Xan-Almaz) yazıbı rayonni k'azetee, Bakvee qığəç'eni k'azetbışeeyiy jurnalbışee qığəə gidğıl. 1990-senale yazıbı Dağıstanee (Rf) qı'ğəni yiqbışdi "Nur" k'azetee çap eyxhi gidğıl. Şaire asarbı yedniyy azərbaycanni mizeyl oyk'an. Manguni q'alamıke seç'bı, hekayebı, əfsanabı, təmsilbı, bayatıbı, komediabı, mənsur seç'bı, pyesbı va medın asarbı qığəə vodunbı.

Ezay

Aprel / Апрель

Etnay	Dalatiy	Ərba'an	Ülc. xəm	Ülc. yiğ	Siftiy	Vacar
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

Yiqer

*Xərna, k'ınna vorna şaqa,
Hürmət vobna q'əsinbişiqa,
Ciga vobna harung'uqa,
Şaqa din-iman vodun.
Yişin do Yiqer vodun!*


*Şaqa ç'ak'ın aalimar,
Ustadar – mə'əllimar,
Şeç'bi eyhen şairar,
Har sənət saqa vodun.
Yişin do Yiqer vodun.*

*Yızın dider – albanar,
Danyalar, Vaçeganar,
Nizamiy xhinnen şeyxar,
Şaqa xədn taarix vodun.
Yişin do Yiqer vodun!*


*Salam hooli hambazaşis,
Hürmət haa'a mihmanaşis,
Cuvab qelyan duşmanaşis,
Şaqa xədn yik' vodun.
Yişin do yiqer vodun!*



***Davudov Əhməd
Şamsiddinna dix***



Davudov Əhməd Şamsiddinna dix 1961-sen aprelni 13-çil Azarbaycan Respublikayni Zakatala rayonni Mamruxni xivee yedike ıxha. Yı'q'nekin maktab 1979-sen xivee tam hı'ı. 1980-1982-senbişil eskeree g'ullux hav'u. 1982-1986-senbişil RF Samara şahareedın rəssamaaşin maktab qətdı'. Əhməd mə'əllimee 1988-senale xiveeni yı'q'nekni maktabee rəsm, əmək fənbışike darsbı heli vodunbı. Latinni grafik'ayka ts'əxni mizeyl odkunni kitabbışedın şikilybışin xəttananbı cunbı vodunbı. Əhməd mə'əllim yugna folklorşunas, şair vorna. Mang'vee şeç'bi yedni mizeyl oyk'an. Əhməd Davudovni şeç'bişil oğa bəstəkaraaşee xilice mə'niybı odk'un vodunbı.



Suvagay

May / Maı

Etnay	Dalatiy	Ərba'an	Ülc. xəmə	Ülc. yiğ	Siftiy	Vacar
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

Qopkuna yəq

*Ay insanar, qidoorayin
Allahna yəq ina vobna.
Pisvalike mətəh vuxhay
Allahna yəq ina vobna*

*Kubara, sivara haiy,
Zakat, fit'ra gec hidyaiy,
Dekkis, yedis yugun haiy
Allahna yəq ina vobna.*


*Q'əsinbışis hı' rmət hav'iy,
Xurunbışis rəhi'm hav'iy,
Əcizing'us kumag haiy
Allahna yəq ina vobna.*

*Ç'ırınbışisqa hark'iniy,
Manbışis xoş cuvab ovhuy,
Yugra qixhes umud hav'uy
Allahna yəq ina vobna.*

*Bağbı aççuy, xhyan ts'its'aiy,
Pisin yəqbı yugda qaiy,
Mani işis yardım haiy
Allahna yəq ina vobna.*

*I'badatis fikir hov'uy,
İblis k'ırı hidevuy,
Kubar manzıkbışee hı'iy,
Allahna yəq ina vobna.*

*Ay yed, dek, yıçıbı, çuba,
Dinis vuxhe lap bacitba,
Vaxtal hee'eyin tovba
Allahna yəq ina vobna.*




*Ağalarov Məhəmməd
Əhmədna dix*

Ağalarov Məhəmməd Əhmədna dix 1946-sen martni 15-çil Azarbaycan Respublikayni Muxəxni xivee yedike ıxha. 1964-sen xivın yı'q'nekin məktəb tam hı'ı. 1965-1968-senbışil Məhəmmədə eskeree g'ullux hav'uyle qiyğa, 1969-1972- senbışil Bakvee tibb texnikum qətqı'. Mana 42- senna Muxəxni xivni xəstəxanayna feldşer işlemişxha. Həşde pensiyee vorna. Ağalarov Məhəmmədəqa uşaxvaleecad qətqiys havas ıxha. Mang'vee conı g'onşivalee eyxheni nakşbandiyni nekki qiyğıyni aalımıke - Nasux efindiyke Q'uran xəx qıvxha, ərəbni mizeke darsbı alyaat'u. Məhəmməd doxturuqa yedni mizes xədn aşq' vodun: mizen folklor sa'a, luğatıl oo işlemişexhi, şeç'bı oyk'an.

Sabay

İyun / Июнь

Etnay	Dalatiy	Ərba'an	Ülc. xəm	Ülc. yiğ	Siftiy	Vacar
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30



Mamedov Cüma Həzrətina dix

Mamedov Cüma Həzrətina dix iyulni 1-çil 1948-sen Azarbaycanni Respublikayni Zakatala rayonni Gudybaragni xivee yedike ıxha. 1956-1964- senbişil Gudybaragni 8-senni maktabee, 1964-1966- senbişil Gax rayonni Gullyugni xivni yı'q'nekni maktabee qətqi'. Cümee 1967-1969 senbişil eskeree g'ullux hav'uyle qiyga, 1970-1975-senbişil ADU-tın Geoloji-Cografiya fakultete qətqi', cograf-hidrolog ixtisas alyaat'u. Mançiled qiyğa ı'lmılqan hır geed ıxhayke mang'vee Cografiya İstitutni aspirantureeqa ikkiç'u va 1987- sen dissertasiya müdafiya hav'u, cografiya ı'lmına namizad, aalim ıxha. Həşde doktriyvalyni dissertasiye tam hav'u, mudafiyey vorna hazirexhi. Cümə mə'əllim yedni - ts'əxni mizes hıkır hoolena aalimaşikena vorna. Mang'vee yedni mizeyl uftanın seç'bi oyk'an, şifai adabiyatıken materialbı sa'a, xalq'ni folkloruka məşğul eyxhi. 2016-sen Cümə Mamedovee (Cümə Gudybaragaliy) Bakvee "Saxurlar" doyilin kitab çapıke g'aykkı.

Şair vorna

*Yiqeeşiqar Cümə vorna,
Semed xhinne görxhan vorna.
Bismillahıka seç' haa'a.
Veriğ xhinne işiğ ha'a.*

*Otk'uniyne seç'bışıka,
Devkananbı bi'rqi' qaa'a.
Şeç'bışıke dövlət haa'a,
Yiqeeşdimee folklor ha'a.*

*Məhəttalba seç'bışıke,
Nəxüdnixan manbı oyk'an.
T'abal hı'ı cuvabbıške,
Eke xhinne manbı giyk'an.*

*Allahee şas mana huvu,
Şeç'nema şas mana huvu.
Şeç'bışıka şad vixhesva,
Yiqeeşisva mana huvu.*

*Şeç'bışe işix gyaha,
Yiqer vucee geeb şad haa'a.
Şeç'bışıka oza qaa'a,
Yiqer dyunyeyl vaats'a haa'a.*

Ok'au

İyul / Июль

Etnay	Dalatiy	Ərba'an	Ülc. xəm	Ülc. yiğ	Siftiy	Vacar
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				



Mirzoyev Raşid Əzizna dix

Suvabı

*Vəş-aazır senbınan axtıyn suvabı,
Oo xeppa insanar iviykır abı.
Gırgınbı deşonbı, dyunyeylə apk'ın,
Nubat şalqa qadı, həşde şi abı.*

*Nəxcı'xəy, Sucaray – sa yedin dexbı,
Dabaltni suvalqa hiviyxhar yiqbı.
Yuxhxhanbı qıxhaynga şi abaylenbı
Yişin attamacbı mık'an bulaxbı.*

*Akaran suvabı dyunyeyləcad vəşid,
Heyranxhana şoqa ilyakkı Raşid.
Xıl yik'elqa gıxhxhı zı həşde eyhen:
“Şole uftanınbı halake deşud!”*

Mirzoyev Raşid Əzizna dix 1941-sen avgustni 14-çil Azarbaycanni Respublikayni Zakatala rayonni G'alalni xivee yedike ıxha. Raşidee yı'q'nekin maktab yisseyni Suvagılıyni xivee qətqı'. 1966 -1971-esdi senbışee, mang'vee Bakvee M.F Axundovni doylin pedagoji institut tam hı'ı. İşlemişxhes Ağcebediyni rayonənçe girğıl. Ts'ettiyn şeç'bıd Raşid mə'əllimee mani rayonee qı'ğəəni “Syurat” k'azetee azarbaycnni mizeyl ğaykkı. Mirzoyev Raşidee 1974-2004-esdi senbışee Zakatala rayonni maktabbışee rus mizen darsbı uvhu. Mani senbışee Zakatala rayonni “Gırmızı bayrağ” kazete cun şeç'bı azarbaycanni mizeyl çap hı'ı. Raşid mə'əllime ts'əxnı mizeyl odk'uniyn şeç'bı Dağıstanee qı'ğəəni “Nur” k'azetee vodunbı g'ekka.



Çinay

Avqust / Ağyust

Etnay	Dalatiy	Ərba'an	Ülc. xəmə	Ülc. yiğ	Siftiy	Vacar
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	



Hamzayev Valeh Musayna dix (Hamzat)

Hamzayev Valeh Musayna dix iyulni 28-çil 1961-sen Azarbaycan Respublikayni Zakatala Rayonni Suvagılıyni xivee yedike ıxha. 1984-sen Bakvee Pedagoji institutun ingilisni-fransayni mizaaşın fakultet qəttqı'. 1987-2002-senbışıl Suvagılıyni xivee mə'əllimiyvalla hav'u. Mang'vee yedni mizel şeç'b maktabee işlemişeng'a oyk'an girğıl. Adabiyatılqanı, şeç'bışılqanı havasın mana Rf Dağıstaneeqa ark'ın. Həşde Hamzayev Valeh doyukvana şair, Rf- yazıçeesini ittifagna üzvü, "laçın" jurnalna redaktor, Dağıstan yiqbışdi adabiyatni sektsiyeyna xərna, menni mizaaşile sak'ala'ana, jurnalist vorna. Mang'vee 3- şeç'bışın kitab çapıke g'aykkı.

Vatan

*Qiğeç'e xaançe ğu, yuxhxhan adıyng'ə,
Haveençe t'et'- t'eleyn nafas qadıyng'ə.
Hala bıtığıl oo t'et' sidyadıyng'ə
Məhəlle aleylə nergiziy tyulypan,
Ats'axhes ikkanxhee, hamna vob, - Vatan!*

*Məhəlleeqa yugun yiğva abayle,
Gırgına xiv mə'rəkeeqa sabayle,
Ts'ımays istağ, yedis sossar qabayle,
Hek'va, şadexhe, gırgına insan,
Ats'axhes ikkanxhee, hamna vob, - Vatan!*

*Tsuvıl qadı, mık'an mıtsbı aiynğ'ə,
Yıvaaşilin vodun t'ele k'yaiynğ'ə,
Q'ı'dimiys ikkanan kar adxhu saiyng'ə,
G'ut'otk'ul ilyozsar çolbışee g'altan.
Ats'axhes ikkanxhee, hamna vob, - Vatan!*

*Yiz gyoğu basturxha axtın suvabı,
Duvağ aççuyn xhinnen, istağ - suvabı.
Gyodats'ts'en bulaxbı –cen ulen nağbı,
Nimee micagdayiy t'et'bınan arşan,
Ats'axhes ikkanxhee, hamna vob, - Vatan!*



Məhsulay

Sentyabr / Сентябрь

Etnay	Dalatiy	Ərba'an	Ülc. xəm	Ülc. yiğ	Siftiy	Vacar
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						



I'mərov Əbdü'rəhman
Həmiyna dix
(Uluts'əxiy) 1952-
sen oktyabrni
1-cil Azərbaycan
Respublikayni
Zakatala rayonni

Suvagılıni xivee yedike ıxha. 1969-sen yeni
Suvagılıni xivee 9-sennan maktab tam hı'ı
Zakatalayni Kənd tasarrufatni texnikumeeqa
ikkiç'u. Texnikum bıkır hauyle qiyğa 1972-1974
senbişee eskeree g'ullux hav'u.
Əbdü'rəhmən I'mərov 1975-sen komsomolni
putyovkayka Uzbekistanni Navoi şahareeqa hark'ın.
Maa gidrometallurguyeyni zavodee işlemişexhi
girğıl. Mana 1975- 1987-senbişilqamee Uzbekistan
yeşimişxha: tsetta Sanaye institut, qiyğa Vilayet
partiyeyn aali siyasi maktab tam hı'ı, curba-cur
g'ulluxbişil ıxha. Əbdü'rəhman Uluts'əxiyqa 3-şec'
bışin kitab vodun. Mang'un şec'bı Azarbaycaneeyiy
Dağıstanee qı'ğəəni k'azet va jurnalbişee çap eyxhi
vodunbı.

I'mərov Əbdü'rəhman Həmiyna dix

Vatan

*Vatan, ğu vob hini dyunyeyl micagna,
Derabişee ik'eyk', suval yiznana,
Lelebınan çolbınana, suknana,
Suvagıl, ğu yizda Vatan, Vatan vob.*

*Ğu xəđ qı'ı ikkiykınıy, qiykkınıy,
Sana-sanğus it'umba vukkiykınıy,
Yedni mizeyl yuşanxhana har yiqiy,
Torpaxıka barabarba Vatan vob.*

*K'at'eyn k'ut'bı, əlyaa vod arşanbişil,
Gaba xhinne t'et'bı gyoku yanbişil,
Vəş derdena darman vobna xhyanbişil,
Dyunyeyl deşin t'et' əlyaaana Vatan vob.*

*Sirsir gyuvatxın g'ayeyni g'aşile,
Nur gya vodun har t'et'eni k'aşile,
Əbdü'rəhman ötmişxha deş yeşile,
I'mır vukkeys Suvagılına Vatan vob.*



Коҗау

Oktyabr / Октябрь

Etnay	Dalatiy	Ərba'an	Ülc. хәм	Ülc. yiğ	Siftiy	Vacar
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			





Милетини тандынан сфран дурды.
Ватан ва убхуне, Сохурема, дана,
Икхбонини хидар без варгаика наша.
Намат ишида ватан, ватан едга боу,
Валитис шадра бар, де ишдида бар.
Ватан ва убхуне, ишма иед берма,
Туркизде ваданид, шадар га берма.
Иеджен, ватанга су бис хорлат.
Ватанни, сезде, вач исбисе кичикит.
Ватан ва убхуне, су эфисе кичке,
Ватанни сес гайхе, су назар илсе.
Мана тарачитибди, ишмон берс берри,
Ватанни таркизде хан бис барри.
Ишгад ватанни гайби неке ризи,
Ишгад ватанни шадра бичеро.

Salehov Adilyxan I'smayilna dix

Salehov Adilyxan I'smayilna dix 1949-sen noyabrni 21-çil Azərbaycan Respublikayni Zakatala rayonni Q'arq'vayni xivee yedike ıxha. Adilyxanee 8-sennan maktab Q'arq'vee, yı'q'nekinmee maktab giyabıda Əlibayramlı (Dağlı) xivee qətqı'. Qiyğad Gancee kənd tasarrufat texnik'um tam hı'ı, agronom ıxha. Adilyxanee uşaxvalee Şamsiyyat adee ha'ani ittuni mexxvaaşılqa xabarbişılqa, simğiriybişıl -qa geed k'ırı huvu, cusud k'ılda-k'ılda man havas ılğec'uyın, g'ayxhxıyn ok'anas ıkkıykın. 20 - yanvar, G'arabağna dəv'iy, şehider... . Mani hadisabişile qiyğa ts'etta bayatıbı, qiyğad seç'ıbı oyk'an girğıl.

Dyunyeyn ses

*Sa sural missınçike millet hat'a vod,
Sa sural dəv'ə əə, millet g'at'a vod,
Sa sural ts'a qitxhu, xhyanbı aat'a vod,
Dyunye geşşe vodun derdbişe gyats'ts'ı.
Çini cad canale dyunye vod ats'ı.*

*Dyunyeylni milletis, ham conı derdes,
Yiqeer hazırba vob ortaxar vixhes,
Mısane sa yugun, şadın yiğ qales,
Dyunye geşşe vodun derdbişe gyats'ts'ı.
Çini cad canale dyunye vod ats'ı.*

*Ədilyxan, öörxe ğu meer hayni derdes,
Giv'ur gozet ha'as, yugun yiğ qales,
Belyke şak'led g'iyxhe hayni dyunyeyn ses,
Dyunye geşşe vodun derdbişe gyats'ts'ı.
Çini cad canale dyunye vod ats'ı.*



Мә'әһай

Ноябр / Ноябрь

Etnay	Dalatiy	Әrba'an	Ülc. хәм	Ülc. yiğ	Siftiy	Vacar
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	



*Şair
(Gilymets'aliy Vəhid Mirzoyevis g'apsır)*

*İç'u yik'eeqa xədin mühübbat,
Ehes ıkkən vodun zı vak'le, şair!
K'elyqabı şokvana harsassa şü'bat,
G'avxhes vukkanobna, vakvana, şair!*

*Dindeençe yəqqılyav'u ğu zalqa salam,
Zınad eyhen vak'le - əleykum assalam!
Alyaat'u xileqa daftariy q'alam,
Hina şeç' opk'unna zı valqa, şair!*

Mahmudov Mahmud Ğaziməhəmmədna dix

Mahmudov Mahmud Ğaziməhəmmədna dix 1948-sen iyunni 18-çil Rf Dağıstan Respublikayni Rutul Rayonni Kalelyni xivee yedike ıxha. Mang'vee ts'etta med. texnikum, qiyğad Dağıstan med. Institut tam hı'ı. 40-ni senna meega Zakatalayni şaharee xirurgiyvalla hav'u. Şeç'bışın xəttanabı satirays aidda vodunbı. Mahmudov Mahmud həşde pensiyee vorna.



*Xəttə vodunbı tarixıs layiq'in xivar,
Əraq'an, ts'ablan har meyvayn yivar,
Qottalas dağamın, it'umın divar
Qottulıyn milletın şenkecad, şair!*

*Ata-bababışe şu şake curav'u,
G'ayeylqa-g'ırnayılqa toxum xhinne av'u,
Vaxt qabı həşde "Nurun vob sav'u".
"Nurusır" nurxhe, ğu həşde, şair!*

*Vaxt vuxha – boyis əlhəəna ooğançe ı'xı'na,
Doyis əlhəəna – cargeençe gı'xı'na,
Ək'elynana, ek'na – dustağeeqa hı'xı'na,
Məxdun derdbı ıxha milletıqad, şair!*

*Yışda vatanobna cannatna bıcağ,
Gyooxhanna caa'ab hammaşe lampayiy ucağ,
İnşallah, yugda ixhes yişin gelecağ.
Oorung'uken dilyag man vodun, şair!*

*Şeç' opk'unna valqa – kaleliy Mahmud,
Goruşmışooxhiva haa'a vob umud,
Suğotsu g'elilqa, g'alxmış hav'u xud
"Əşq' ixhen milletis!"; - ehe ğu, şair!*

Mık'alay

Dekabr / Декабрь

Etnay	Dalatiy	Ərba'an	Ülc. xəmə	Ülc. yiğ	Siftiy	Vacar
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

Nəsihat

*Şu heç yik'el hexanma'a,
Şi ipxhinna Allah vorna.
Hor hima'a, six hima'a,
Mançis cazaa vallah vobna.*

*Çalışmışxe yugun he'e.
Yugun vas avekes vodun.
Şeytanılqa uymuş mexhe,
Yik ixhes ikkan vod xədn.*

*İblis xhinnen insanar,
Yişdi əreab vobunbı.
Ğu məxrung'uka imiykar,
Manbı xoçebı vodunbı.*

*Mə'allımıl k'ırı hele,
Yugra ikre, yugra gyu're.
Ək'elika cavab qele,
Vale yugna ixhes voree.*



**Huseynov
Ğaybulla
Tehmezna dix**

Şaqə vod

*Car hav'umee maydamaqa savales.
Suvabışın əlamatbı şaqə vod.
Axtivalee g'apag'appa qavales,
Hiqa əəsın harakatbı şaqə vod.*

*İnsanaaşın ules g'ümən aq'vabı,
Coni mizeyl yugun şeç'ıbı, mexxvabı,
Örüşbışee balkan, çavra, vəq'əbı,
Xarca'asın barakatbı şaqə vod.*

*Nəsihatbışike şos xev hit'alas,
Yik'el aqqe manbı k'iriyk git'alas,
Cümə əəna girxhu ögyu hot'alas,
Naq'ra-zurna hek'vasınbı şaqə vob.*



**Mamedov
Cümə
Camalna dix**

Mamedov Cümə Camalna dix aprelyni 19-çil Azərbaycan Respublikayni Zakatala rayonni Q'asni xivee yedike ıxha. 1974-sen Suvagılıyni xivee yı'q'nekin məktəb tam hı'ı. 1974-1975 senbışıl Bakvee tok'arar haziraa'an peşe məktəb qətqı'. 1975-1977 senbışıl eskeree g'ullux hav'uyle qiyğa, Bakvee zavodee tok'ar işləmişxha. Həşder Zakatalayni Yəqqbı qa'ayni idaree fehle vorna.

Huseynov Ğaybulla Tehmezna dix 1943-sen Azərbaycan Respublikayni Zakatala rayonni Suvagılıyni xivee yedike ıxha. 1959-sen yı'q'nekin məktəb tam hı'ı. 1968-1973 senbışıl Bakvee M.F. Axundovni doylin pedagoji institut tam hı'ı, Suvagılıyni xivee 30-senna rus mizena mə'allim işləmişxha. Həşde pensiyee vorna.

Ts'əxni mizen alifba



*Musayev Badir
Həsanna dix*

K'elipxınna "G'ellyay"

*Yiqbışdi davatbışee
Mık' haa'ani maq'ambışee
Doyukvana maq'amniy vob
Yik'elipxınna "G'ellyay".*

*Naq'ra zurna seseka
Vuc hook'ana yik'eka
Rı'h qaylen g'elbışilqa
Yik'elipxınna "G'ellyay".*

A a adiy abay akka	Ə ə əbın vəq'ə əğə	B b balkan bebeçul eb	C c cib ülçüm çoc	Ç ç çit xoçe gaç
Ç' ç' ç'ər vuç'e k'ıç'	D d dix dadal vard	E e eç yed xoçe	F f fanar daftar hərf	G g gaç liga urg
G'g' g'arg mang'us	Gh gh ghal yighid	Ğ ğ ğur əğə verığ	H h hor lahar bınah	X x xav uxara dix
Xh xh xha yıxhud	I ı ıkar kídık vuq'nabı	I' ı' ı'xna g'ı'ye sayxı'	İ i itv xiv yiçi	J j jurnal rejim garaj
K k kabay kuku xuk	K' k' k'aş k'aşk'ale k'uk'	Q q qən yiqiy yəq	Q' q' q'əkkul vəq'ə q'uq'	L l lek'va silıbı g'el
M m miz dama şam	N n nisse xəne xhyan	O o os don syo	Ö ö ördag q'öv xö	P p parç sipaa top
P' p' p'ız p'əp'əl sip'	R r rak' xurcun xor	S s sos k'orsaniy vis	Ş ş şim yişo vəş	T t tursbı mirtel lit
T' t' t'ele k'ut'un t'et'	Ts ts tsiq'iy tsitsiy yats	Ts' ts' ts'e' xots'al nats'	U u ul t'ub çuru	Ü ü üm süva
V v vaz suva xav	Y y yiv dayiy bissiy	Z z zer zazaa yiz	' ha'as ma'	y* nyak q'utsyar v* xvaa aq'va yak'v

Musayev Badir Həsanna dix 1948 sen Azarbaycanni
Respublikayni Zakatala rayonni Gudybaragni xivee yedike ıxha.



Otk'uniynbı:

Şamxalov Məhəmmədşarif Nurullahna dix
 I'smayilov Nusrat Ədilna dix
 Şamxalov Vugar Məhəmmədşarifna dix

Kumaq hauynbı:

Nutsalov Şahmir G'afurna dix
 Musayev Badir Həsənnə dix

Redaktor:

I'smayilov Nusrat Ədilna dix
 Təqvim-2019 (s axur dilində)



Copyright © 2018 "Pathways, Research and development" Bütün hüquqlar qorunur. Nəşr edənin yazılı icazəsi olmadan nəşrin bütünlüklə və ya hər hansı bir hissəsinin istənilən forma və üsullarla surətinin çıxarılması, yayımı və ya yenidən çapı qadağan edilir. Massa hiles ixhes deş - Satış üçün nəzərdə tutulmayıb - Не для продажи.